

清·方略館 編

清代 方略 全書

北京圖書館出版社



清代方略全書

二

清·方略館編

北京圖書館出版社

第二冊目錄

平定察哈尔方略……………一

平定三逆方略 卷一——卷一八……………六三

平定察哈爾方略

勒德洪撰 江寧點校

按：《平定察哈爾方略》上、下兩卷，清勒德洪奉敕撰。

本書記載康熙十四年（1675年）三月至五月，蒙古察哈爾部布爾尼發動的反清叛亂。這次叛亂，不僅破壞了東北、內蒙廣大地區的安寧，而且直接威脅着北京

的安全，在客觀上同「三藩之亂」遙相呼應，使清王朝南北受敵。康熙皇帝採取武力鎮壓和分化瓦解的措施，迅速平定了布爾尼叛亂，穩定了關外和蒙古地區的社會秩序，使清廷集中全力鎮壓三藩叛亂，對國家早日實現統一起了積極作用。

兩卷、青磚齋共奉姓

由於記載這次布爾尼叛亂的史料不多，所以長期以來不爲史家重視，有關論著極少。新近看到了清朝官

修未刊刻的《平定察哈爾方略》滿、漢文兩種寫本，內容相同。此書是根據當時的軍事奏報和有關諭旨，按年、月、日次序編纂，材料翔實可信，是一部記載布爾尼叛亂的完整史書。現將此書漢文寫本點校刊印，

供清史教學和研究參考。

其平曰林氏，國家嘗與敵

康熙十四年三月乙亥，察哈爾市爾貝子。察哈爾站元

卷之十

卷之上

康熙十四年三月乙亥，察哈爾布爾尼反。察哈爾故元苗裔也，當太祖高皇帝時，其汗曰林丹，國家嘗與通聘，及大兵取廣寧，林丹遺書詭稱廣寧爲彼貢賦地，沮撓我師，語涉悖慢，又羈留我使臣，遂絕弗與通，是後林丹多行不道，鈔戮親族，虐害其下，又時侵擾諸部，人不堪命，皆怨畔。其叔祖貝勒代青，總管一旗大

貝勒昂坤等，及阿喇克綽忒部貝勒圖爾濟、敖漢部瑣諾木杜稜、奈曼部袞出斯巴圖魯等，各領所屬相率來歸。

天聰六年，太宗文皇帝親御六師往征之，林丹大懼，去其故駐牧地西走，洎大兵指歸化城，林丹見人心震動，國勢不支，欲率衆渡河奔土白特。國人素苦其殘酷，莫肯從行，留居者十之七八，以飢困互相劫奪，至

殺人爲食，衆潰亂，歸降者絡繹不絕。林丹走至打草灘地方病死，其妻子遂獻傳國璽，悉衆內附。十年，下嫁固倫長公主於林丹子額哲，特擇善地，俾居義州。崇德元年，封額哲爲親王，尊寵在諸王右。林丹大野

世祖章皇帝時，額哲死，其弟阿布奈亦尙主襲封親王。阿布奈旣親貴，漸驕蹇縱恣，與所親信噶爾馬色冷等，妄殘殺部人，所爲多不法，世祖皇帝每寬貸焉。

公主薨，有二子，曰布爾尼、羅布臧。皇上即位以來，歲歲遣使臣問勞加恩賚，而阿布奈曾無一介至京師，不修朝貢者八年，所爲益乖畔。於是理藩院奏阿布奈無藩臣禮，大不敬，應論死，沒其妻孥，褫王爵弗襲。奏入，上以累朝豢養，不忍遽寘諸法，命羈之盛京，仍襲封其子布爾尼爲親王，妻以安親王岳樂女。布爾尼性尤兇頑，不感戴國恩，乃乘吳逆變亂，妄謀不軌。日

與其黨繕治兵器，欲襲取其父，因以衆叛，從嫁公主
長史辛柱潛遣人言狀。上以安縣王岳樂文。命爾凱
上以事尙未露，不便遽加之兵，當先遣人往召，以徵
其虛實，又慮獨召布爾尼兄弟，則致彼生疑，乃請太
皇太后旨，分遣侍衛色冷等，召布爾尼兄弟與巴林王
鄂齊耳兄弟、翁牛忒王杜冷兄弟，俱入京師。蓋諸王
皆公主郡主所生也，已而諸王俱至，布爾尼兄弟不

來，隨於三月十七日反，執奉使侍衛色冷，約二十五日舉事。從嫁諸人，各攜家奔錦州，辛柱與義州守公主祠首領韓齊漢等，合詞告變。駐防錦州官安都虎，鎮守奉天等處將軍鄔內巴圖魯，即以其事聞。

丁亥

命將軍鄔內巴圖魯等固守盛京。

上諭鄔內巴圖魯曰：「爾所使賫奏贊禮郎，三月二十

九日抵京，已敕鎮守寧古塔等處將軍巴海等，率兵馳詣盛京，爾可速備鎧仗，給新添兵卒，固守地方。諭巴海敕書，遣人速遞，俟巴海到日，與之協守。」

敕巴海曰：「頃聞察哈爾布爾尼反叛，爾其速詣盛京，同將軍鄔內巴圖魯等固守。若寧古塔地方無虞，可多簡精兵率往，否則量留兵，令副都統蒯齊鎮之。」

命多羅信郡王鄂扎爲撫遠大將軍，都統大學士圖海

爲副將軍，帥師討布爾尼。是役也，以護軍統領哈克山、副都統吳丹、洪世祿，並爲參贊，每旗派護軍參領二員，署一員爲夸蘭大，驍騎章京各一員，署夸蘭大，發盛京兵千人，復參派每佐領前鋒親軍護軍三人，驍騎一人，又派漢軍鳥槍兵，每佐領二人，官十員，量署爲參領夸蘭大，分兩翼，以都統祖永烈統右翼，原任總河楊茂勛爲署都統統左翼。

四月辛卯

順風署將總兵黃

宣諭土默特諸部。布爾尼既反，遣人求助於土默特貝子滾濟斯扎布，滾濟斯扎布即移書告變於理藩院，仍遣其三等護衛舍布來奏狀，上命厚賚之。仍命理藩院作書曉諭之，曰：「初長史辛柱首布爾尼負恩背叛，朝廷正欲察其情實，適貝子遣舍布來奏，布爾尼於三月二十五日使護衛巴米說貝子同叛，貝子即遣使奏聞，

復調兵爲擒討計。朝廷深爲嘉悅，布爾尼逆狀旣真，貝子等可精選所部士馬，討擒逆渠，厥功匪細，儻馬瘦不堪馳騁，亦宜各守地方。大兵于四月初六日自京啓行，故預令知之。

時察哈爾鄰近部落王貝勒等聞布爾尼反，先後遣人來報。上仍遣理藩院郎中馬喇、員外郎塞稜赴諸部調兵。並諭理藩院作書，如諭滾濟斯扎布指，頒發科爾

沁部和碩卓禮克圖親王俄齊爾、管領五旗和碩額駙
沙津、阿魯科爾沁部多羅郡王朱爾扎哈、翁牛忒部多
羅杜冷郡王畢禮滾達賴、多羅達爾漢貝勒叟色、巴林
部多羅郡王鄂齊耳、固山貝子吳爾占、敖漢部多羅杜
冷郡王扎木素、喀喇沁部多羅杜冷郡王扎世、鎮國公
吳特巴喇、土默特部多羅達爾漢貝勒趙圖、扎魯特部
多羅達爾漢貝勒巴達禮、多羅貝勒扎木等各一函，其